

主編 黃靈庚 陶誠華

上海古籍出版社

金華宗譜文獻集成
14

主編 黃靈庚 陶誠華

上海古籍出版社

金華宗譜文獻集成

14

目錄

金華宗譜文獻集成（永康宗譜一） 永康市委宣傳部編

童文賢輯

包

一

智房包氏宗譜

一

鮑

九

整雅鮑氏宗譜

九

曹

一一

永康曹氏宗譜

一一

陳

二五

陳氏總譜

二五

杜溪陳氏宗譜

三八

龍川陳氏宗譜

九四

棠溪義門陳氏宗譜

一一一

新屋桃溪平輿陳氏宗譜

一四一

柿後陳氏宗譜

一四七

古礫陳氏宗譜

一六一

前陳上柏石尚黃陳氏宗譜

一六六

歷山柄川陳氏宗譜

一七〇

林坑陳堂溪陳氏宗譜

一七四

成

一七九

上古郡成氏宗譜

一七九

程

一九五

京房程氏宗譜

一九五

程氏宗譜

二一四

元孝孟洪程氏宗譜

二二三

後山頭前珠山程氏宗譜

二二三

松九華世城睦房程氏宗譜

二三六

池

二三九

西河池氏宗譜

二三九

董

二五一

白垚董氏宗譜

二五一

青山董氏宗譜

二六一

范

二六三

洪州九里范氏宗譜

二六三

方

二六五

柱國固塘方氏宗譜

二六五

傅

二七三

虎山傅氏宗譜

二七三

高

二七五

金華高氏宗譜

二七五

胡

二九三

古山胡氏宗譜

二九三

庫川胡氏宗譜

三一八

可投胡氏宗譜

三六七

夏川胡氏宗譜

三八八

連枝郭山胡氏宗譜

四〇一

適游黃岡胡氏宗譜

四〇五

曹園胡氏宗譜

四〇九

大後胡氏宗譜

四一三

五雲松巖胡氏宗譜

四四五

官川胡氏宗譜

四六〇

魁山胡氏宗譜

四七四

華

四七七

永康華氏宗譜

四七七

黃

四八一

尚橋黃氏宗譜

四八一

金

四八九

桐溪金氏宗譜

四八九

柘坑前渡金氏宗譜

五〇七

太平彭城金氏宗譜

五一一

孔

五一七

孔村孔氏宗譜

五一七

林

五一九

梅城長城林氏宗譜

五一九

古麗坊千頭林氏宗譜

五四六

凌

五五三

凌宅凌氏宗譜

五五三

呂

五五七

青山呂氏宗譜

五五七

太平呂氏宗譜

五八六

派川巖前河東仰平呂氏宗譜

六〇六

盧

六一七

儒堂盧氏宗譜

六一七

玉川盧氏宗譜

六四三

指山盧氏宗譜

六五七

丁坑靈山盧氏宗譜

六六三

郎

六六七

永康郎氏宗譜

六六七

劉

六九三

沛國公川劉氏宗譜

六九三

李

六九七

青龍李氏宗譜

六九七

象瑚李氏宗譜

七〇四

鰲峰雅川李氏宗譜

七一二

五雲李氏宗譜

七二一

樓

七二三

永康樓氏宗譜

七二三

魯

八三七

和樂魯氏宗譜

八三七

包

智房包氏宗譜

合肥舊譜序

廬江建國也歷世千年其賢士大夫名於史者吳周瑜一人而已宋有天下復逾百歲其名於時者若皇甫君選之學識不及於顯馬忠肅公亮之材術不盡其用其全者包孝肅公拯一人而已公行也備才也果言也誠志也忠處仕逮於考終命其節未嘗少衰變昔之君臣際遇道合計從者有之或不能知人對或耻所改爲或蔽於旁近或未識統紀讒人則見遠拂欲則生忿觀公平居進益廷諍之語人能道之任剛肆直鼎鑊在前植若自守聞者爲其悚然而仁廟樂聞直諫容納是止無一毫介薑始卒聽用者自堯舜文武而下仁廟一人而已公之行事載之史公之遺文載之集公之遺像余常從士民之請俾興化寺僧仁岳辟祠以祀之矣獨於公之稚子未有處也乃召其兄之子於庭屬爲撫之復取其祖父母封誥四代列之爲譜而圖其生卒葬之詳使藏之家廟以爲世守無非爲忠賢慮心也包氏世家不下數十百人茲不盡具者准唐宰相譜例也若推廣之以成收族合宗之法在包之子孫責耳非有司事也時皇宋治平三年八月望日翰林院侍讀學士諫議大夫守郡事門人滁州全椒張環記

松溪小宗譜序

夫一族之初一人之身也繼嗣而爲兄弟由期功總袒免則途人矣鄉井比鄰尚欲相友助扶持終始如一況以一氣之親服殺而爲途人甚有服未盡而情先盡者此可爲長太息流涕者也吾宗南渡之后邦分族析譜籍久廢未續雖祖父口傳歷歷有據而轉徙肇造之靡常室廬丘壠之不守已非譜法之舊矣況松溪之遷自吾通直公也已三世於茲若不蚤爲講求托之文獻以傳信他日世衍人蕃又非屈指可悉不几頓忘厥本耶予爲是懼寢席反側者數十年遍訪遺踪卒乏同志幸兄弟爲儒業有可托敬以十干爲統列之爲世以收小宗之人其已前慶系之宗一循官譜之舊不敢妄爲損益以爲文獻之累而族之分散者勢不能合吾亦聽之而已若拘拘於合宗之法漫焉不講后之視今亦如今之視昔伊誰之責歟於乎譜之於言不若譜之於人譜之於人不若譜之於心爲吾后人者尚以雍睦立心施之百世而不失其歡以耕讀爲業承之萬年而不覆其緒推仁廣義聯之常如一人此之謂孝子此之謂慈孫報本追遠無以逾此其懋之哉其懋之哉時皇宋景定甲子六月中浣之吉松溪漁父包景自序

包氏源流辨

包姓肇自庖氏昔庖義氏之王天下也仰觀象于天俯觀法于地中觀萬物于人造書契正嫁娶后遂有以包爲姓者食采于申曰包胥者春秋時爲楚大夫至漢有包咸字子良小事右師細君習論語人

授皇太子永平中遷大鴻臚几杖入朝不趨贊謁不名經傳有疑上遣小黃門就問咸生俊爲都尉俊生誕誕生充充生勝勝生堯咨舞盜文咨爲恒溫別駕生永通拜襄陽太守生楷枳模楷生熙爲從事遷給事中充發運使后以兵亂散處吳隋有包愷字和樂兄愉明五經愷悉傳其業又授史記漢書猶稱精研爲國子助教聚徒數千余人唐有包融者爲集賢院學士生濱濱生源源生仕廉拜右僕射生季輔季佐季贊輔爲左拾遺贊舉孝廉拜散騎尚侍皆模枳之后裔也五代兵焚遷盧城又四世出加佑名臣拯卒樞密副使禮部侍郎贈尚書謚孝肅公蔭子誕充太祝方孝肅公垂世之時遺孤方在襁母守長令公環多方調護按其封誥爲傳圖其四代之宗即包氏官譜也誕后更名忱補忠翊郎生四子次子壽年學祿公扈駕南遷橘寓天台生三子模愚魯愚執中公修職郎諫院大夫愚生美美生道道生寧寧生中中生綸綸生柱柱生燧燧生坎復遷金華松溪七子十九孫皆通儒術教授鄉里而坎之孫漁隱先生宿學不試深懼式微之后厥親之莫合也離析之久厥緒之或湮也以敕書一道官譜一帙續以小宗支圖以余侍罪國史焉一言以傳信后代余惟宗賢端士風流遺韵百世之后猶能使人興起按其子孫按其世緒誠不能斬于言也因玉堂校理之暇并爲考其受姓之由與夫錄傳之緒盛衰顯微之數以復之時至正丁丑九月望后一日前史官葛聞孫拜撰

黃溪包氏宗譜序

東陽稱佳山水爲婺八邑最出人多富厚而好義戊午宰臣上封事

令民輸粟公庾備荒政婺之應命者若干人而東陽居其半東之應命者若干人而吾家孟初公居其首且所輪倍於諸人朝廷降璽書遣官旌勞禮亦優於諸人今年春孟初公以髦者不能趨拜遣子伯達赴闕謝恩欽承上命賜燕光祿以一芥草茅得沾九珍之味大官之供真盛事也鄉友翰林吳公純中書王公汙輩既推修撰周公貴爲之記以侈其賜明日治任將歸揖別於余并出世系一編屬余序之乃厥翁孟初禮聘慈水桂翁廷璋之續輯也莊誦競因爲之序曰語山者先昆侖宗其本也祭川者先河后海志其源也本源之地惟豪杰能重之吾包氏之族肇於申盛於江南由會稽而合肥衍於唐顯於宋冠纓閥閱於舊譜可考也靖康之變舉族南遷天台麗水龍泉云間吳會臨安合舊居爲七派吾宗一派復自天台而之金華黃溪浣溪并前在天台者又三析矣枝延蔓衍歡愛日疏不有譜牒以收之几希途之人而已今子諄諄於是使世系明而名分正彝倫因之不數洵矣吾包之彥也易曰積善之家必有余慶吾祖宗積德百餘年而始發於吾爾祖父復能仗義施仁以培祖宗之植以大食彼蒼之報吾知必有亢宗之子矣孔子云惟孝友于兄弟施于有政是亦爲政大學云宜其家人而后可以教國人子行矣行以語爾若子若孫他日登巍躋顯求所以挈矩天下者推之斯譜而裕如矣不惟爲吾宗幸而重爲天下幸因書之以弁云時正統八年歲次癸亥七月既望賜進士出身文林郎吏科給事中孝肅裔孫浣江良佐拜撰

重修防軍包氏譜序

昔程夫子有言曰管攝天下人心收宗族厚風俗使人不忘本須是

明譜系收世族立宗子法大哉言乎誠維持世教之要道也夫譜系不明則氏族無所辨而本源忘宗法不立則宗族無所統而彝倫數如是而欲人心之一宗族之親風俗之厚其可得乎此明譜系收世族立宗子法所以爲維持世教之要道而不可忽者也庶人無爵士宗子法未易立苟明譜系收世族別嫡庶而宗子法亦在其中矣此防軍包氏族譜之所以作歟包故金華巨族其先有諱琇字公美者實爲東陽始遷之祖歷五世至諱孟初者善干蠱拓土田昌大厥家且樂善好施正統辛酉嘗奉例入粟二千餘石以助賑濟朝廷嘉之賜敕旌爲義民又嘗助給軍餉官其季子伯昂諸子姓亦皆克承先業益振家聲今諸孫濟濟然彬彬然從事於文業崇尚乎禮義將有顯其家者出矣孟初之仲子伯俊深懼譜籍不修無以昭先德而垂來裔乃以舊譜屬子壻義莊陳平仲氏徵余重加筆削既告成因爲之序曰世之爲譜者往往好附於古之聞人而好事者亦爲之詳叙其世代累千數百季而無遺憾之甚矣且以孔子之聖猶嘆文獻於杞宋世無鄉子求乎能言其祖者蓋鮮矣況他人亦何所據而能言人之先代世系遷徙之詳若彼即故余於黃溪包氏之譜斷自公美公始也伯俊之宗族子弟誠能奮發以古之聖賢自期爲子必孝爲臣必忠功業建於當時聲名流於后世則足以光前而裕后矣余敢序之以爲包氏諸彥勸弘治二年歲次己酉二月丙辰鄉進士蘭溪童品序

黃溪包氏族譜序

東陽黃溪包氏重修族譜成會其賢有與族弟游者因得讀之按譜

包蓋宋孝肅公后自元時始遷黃溪至是十有三世譜且三修其族屬之盛按譜了然而嘉猷懿訓森然畢備則例由特起愚謂以文章名世而且相知至歐蘇止矣其爲譜豈不能參考歸一而卒不無少异此如西施鄭旦各當三千而傳粉被綉則隨其致事固有然者況世多謂族之有譜猶國之有史史有傳表亦有書志爲譜者獨可寥寥徒記其姓名而使一時之聲名文物不獲表見於后世哉作此者良爲有意竊嘗論之天地之大也日月星辰云物之變山川邦域草木之蕃孰不有典籍可以指掌至其所以周流於其間而使運行蕃育不失其正者則有主焉族之譜典籍也至所以聯族人之情增前代之光者安在將必有不盡於姓名世次之間者此譜所以講之詳而不嫌於載之悉與使包氏子孫信能守此豈惟無愧於孝肅之后而已族弟且爲請序余故聊陳固陋而約略序之時萬曆辛卯春三月吉旦賜同進士出身湖廣按察使司副使前給事中諸暨駱問禮撰

東陽包氏譜序

萬曆初郡志重輯余伯父諫公時秉筆焉公嘗語余曰統風俗之詳書無如志最者婺轄八邑舊多故族晚近以閱閱相高風俗漸離於古吾試以古書法而次第之里朴者甲居和者甲律嚴者甲有賢子孫者甲世澤綿而流衍長者甲上之義重昭代奕稱善長則又甲之甲者不爾即赫然於都邑無當也如斯而已余今覽包氏家史而深憶諫公所言焉包氏之先分潢於孝肅其六世祖孟初當英廟時首義捐助特璽褒旌炳然列諸志者蓋諫公手裁也世居吳寧之黃溪

溪風會善地去邑凡二舍盤山磅礴於峴之南環帶大江鐘毓佳氣
 塊北隆跨昇等嗚呼甲矣壯矣顧其族支而繁茲譜之再輯於今也
 甚勞而費裔孫江鼎力而肩之職其并剖劖事以余善其孫希聖越
 境而來問序其賢矣哉余聞之許由有言曰有族有祖聚族則由后
 率祖則由前比而合之祖不傳於前亦猶聚也族不專於后亦猶率
 也由前則譜貴推而進若世若敕若文書之不爲濫由后則譜貴核
 而當若祠若宅若禮若法若世范若恒言綴之不爲文如此則於志
 所乘以統風俗者合之若圭臬然其斯一當衡石也與哉茲而后爾
 子孫有能新闕閱而爲世俗所艷也者則其甲於吳寧也惟爾包氏
 即不然循循而仁林林而朴道義世守而不爲世俗所艷也者則其
 甲於吳寧也亦惟爾包氏萬曆乙未春王正月賜進士出身誥封通
 議大夫南京禮部侍郎前兩京國子監祭酒纂修會典編纂起居注
 管理誥敕詔修實錄館總裁兼翰林院侍講學士經筵講官蘭溪葵
 日陸可教撰

包氏重修宗譜序

夫家之有乘猶國之有史也篤本文明世系辨淑慝聯親誼昭龜鑑
 胥於是乎在是以唐虞之時教先敦睦成周之世倫重懿親漢高崇
 帶礪之盟光武紀云台之佐以至典午東渡尤尚名門王謝烏衣琳
 琅玉樹非貴家巨族勿與連姻故其世家之盛與業王氣相終始雖
 不無崇尚聲勢之病然而嫻禮節重廉耻所謂彼都人士狐裘黃黃
 彼君子女謂之尹姑者豈非比屋可封而習俗長厚者乎自秦俗澆
 競遺棄宗親至於借纓鋤而德色取箕帚而諛語故司馬遷作帝紀

又作世家唐有氏族志宋錢氏著百家姓而明時衍之爲千家姓誠
 俗人知水源木本所自出敦倫族續先德以裕后裔也防軍包氏與
 余家安文爲世姻近益瓜葛連蔓而予亦忝與葶末故知包氏事深
 以悉蓋自龍圖孝肅公發迹合肥秘書壽年公扈駕南渡而通直公
 始遷婺郡丙三公徙居吳寧子孫食報代有顯達明興以來文章忠
 厚之士斌斌相望或輸粟以奉朝旌或儲倉以防鄉寇或擅圭璋之
 譽或蘊韜略之奇以至肖丁蘭法黔婁及廬墓封股諸勝事不指勝
 屈而新朝鼎興復有建旄秉包鉞封侯數千里外者洵孝肅公至德
 之裔神明之胄發祥久而遺澤長也戊子白巾之亂名宗皆受焚戮
 余家盡化爲灰燼而包氏亦半遭祝融獨孝肅公之遺像書迹猶克
 完留丁酉歲以梅勒公取觀携至邑城衆皆環瞻作舞載入閩地軍
 校亦相率羅拜其爲人景仰如此此余舅氏尚標恐兵燹之后文籍
 散滅舊德論亡且宗譜未續已四十餘年過此慮無所考乃嗣而修
 葺之將携閩就梅勒公鉛槧而屬叙於余余誼屬至親不得辭語云
 祖宗有善而弗知不明知而不傳不仁若無美而溢譽之非孝也今
 觀包氏上世多名德懿行而載在譜牒者惟惓惓於家法不以閭閻
 相高是其所傳既非溢美后之子孫覽斯譜者當佩其訓詞法其微
 行又念千百人之始皆兄弟兄弟之先惟一人則老悌之思油然而
 生矣若包氏之世系官譜詳具往牒不復贅焉時順治丁酉仲秋下
 浣之吉鄉貢進士陳嗣章拜撰

叙言

余族包氏楚大夫王孫申包胥之后以父王字因氏之漢唐多名儒

史冊具載越有宋孝肅公家聲益振本大枝繁散處如列星南渡後學錄公扈駕至臨安而包氏有居武林者居嘉禾者天台者苕霅若甬上者振振繩繩遇陌上恒至叩姓名若不相識嗚呼族云繁矣歲乙未秋杪余携猶子巽行游雙溪寓姻家雅莊聞有黃溪包氏聚族而居亦孝肅一派東陽與永康相距百餘里因策蹇往游至則族人歡迎如故班次相見怡怡一堂翌日相率入祠考系輩其始祖壽年公即吾杭譜所載六世祖景年公之胞兄弟也以世序及余故年相若而分叨長焉嗣是宦途鹿鹿不與族人歲時優臘觴酒言歡者十四年於茲矣丙午歲余守毗陵攝鎮篆其屬有丹陽江陰考其緡紳冊內包姓居半公事接見之時詢系南渡嫡派余竊喜寒族之不孤也戊申烈先侄來署問族人近年事力某某登賢書某某力稼穡族無淫人家無官事余曰噫族繁而不偷吾族之幸也烈先携家乘考訂因志武林與黃溪支派如此時雍正六年戊申小春谷旦賜進士出身中憲大夫知江南常州府事加一級紀錄五次后裔括志

助建府學題名記寧一公

大凡人之營建立事不於其同而表其異者爲不可尚也蓋於其同乃習俗之偏表其異則仗義之舉世之趨媚二氏營庵建寺種心田廣福海以圖利益者誣或之甚其視崇重聖人之教不侔矣婺郡廟學創自前古儀觀宏偉甲於他郡正統丁巳倏罹回祿聿成灰燼大殿戟門明倫堂募勸饒裕之家協建而成鐫文立碑兩廡櫺星門梓童廟四齋聖賢塑像復得義士包孟初公等捐財倡建府檢朱公璠實督其事另立石題名屬余以記余惟聖人之道著名流於天下亘

萬古如一日曠百事而同符所以致人心興起感慕者非系而愉之一自然之理耳猶天地之道博厚高明化機默運而生生不息人皆仰其覆載之德也茲石既立惟足以表率於今日抑且有以激勸於將來后之人將指而明之曰某也輕財而仗義某也崇儒而右文彼慳嗇自殖營營於圭銖之末者寧不惕然而有警乎是宜爲之記時正統七年歲次壬戌仲冬吉日賜進士出身前監察御史浙江按察司僉事現任金華府儒學教授三山岩恒書

東陽興賢鄉板陂黃溪堰

東陽南五十里其地曰防軍包氏世居之前迎大溪其發源自大盤山下綿延百余里更會諸谷合爲一流雖大旱無甚固而地勢稍下田不受灌其東有小溪曰黃溪發源本里式嶺下橫經所居之前其勢稍高可決以注然山高石麓雨驟大則洑洞無涯均勻傷田禾且源淺易涸民安賴之鄉耆包孟初氏憫三農之赤土適旱嘆之相仍悉心胥宜即就黃溪兩岸障以巨石導爲一流既以殺其旁溢之勢而濱瀨沙礫之區盡爲菑畬之畝矣又於大溪之上流植木爲砥柱架棚以板障護以沙土爲陂支其流以至黃溪復自黃溪之麓鑿澗爲堰廣若干尺長亘數百余丈續以堰田利周五里悉爲沃壤謹東陽之陂大概用石而獨取之板者溪遠于山無岩石爲底一遭冲決不可收拾松之人水久而不腐旱而植之潦而收之數稔而一易或隨壞而隨修弗也不鉅此孟初氏善於經劃固有司思慮所不能及者也伏承敕諭疏治水利此誠惠養百姓之心開富庶之源續神禹之績實萬世之幸也嘗懼未能扳稱萬一竊聞茲役爲之喜而不寐

嗚呼自井牧溝洫之制廢世以旱乾水溢委之天數謂人力無可如何矣顧包氏乃能以一己之精思興一方之美利使人人效而行之未必非治理一裨也先正有言曰一介之士苟存心愛物於世必有所補此類是也敬爲之記以著其仁俾后亨其利者相與永圖其存云正統五年冬季吉旦工部右侍郎周忱記智房裔孫云村殿拜撰

重創寶山寺記

寶山寺舊名雙峰迨宋大中祥符元年改名寶山寺嘉定中寺漸頽廢紹定年間修之歲久復圯遺址尚在后山之翠微中至國朝正德年間包氏孟初翁輸粟賑饑蒙書旌義之后乃遷寺於龍山之下獨力重建規模巍煥仍名寶山寺后障嶮岩前屏蔚秀右有木魚山左有雙溪水山迴水繞勝甲一方於此祝聖壽報天恩制至重也嗣歷數十年寺饒僧衆修於嘉靖戊午有同邑登第紳士趙姓諱南安又諱新安者因玩游而見峰巒之秀麗川澤之濔迴心甚愛之慕之欲得爲娛老計歸而謀諸友曰余歷名山大川多矣未有如寶山之勝者也左築台右業池圖之以適老可乎友曰山非不佳也水非不美也但包氏正名殆於不可趙叱之曰噫嘻孺子不足謀古刹無名毀之何害遂思奪而有之勢張甚几於莫之敢撓時包族有西川江翁槐岩徐翁暨青衿存吾諸翁輩睜目孰視毅然曰理直氣壯何怯也余當以理喻之后喻之不悛而辱之已甚也即誣控上台以某地掠其宦囊當速捕治彼時倉皇無措奔控院司幸有得直香火仍歸包氏而庭斥二趙弟臨鞠時口稱捐貲貳佰金於寺雖屬無據以過辱之故巡撫徐公因斷以三倍價與之然衆戚猶恐其昆玉受傷讎

不與其幸未逾一載而天奪之也是非伊祖尚義而神靈默佑者哉是爲記

嘉義堂記

堂以嘉義名志承恩也正統六年辛酉皇上重念民隱詔天下郡邑廣備糧儲以防民饑饉之東陽包孟初氏慨然曰民吾同胞物吾與也其可不推己之有餘以資彼哉遂出谷二千餘石輪於官有司疏其事皇上特加寵異遣使齎璽書獎諭旌爲義民勞以羊酒仍復其家徭役若干載孟初承褒嘉之榮不敢忘遂名其堂曰嘉義縉紳大夫盛爲歌章頌美之今年孟初以年邁遣子伯達詣闕謝恩蒙賜燕賚促裝將還其鄉友翰林吳公希純大中丞盧公睿徵予爲之記余惟古人有得欲其不忘以爲名者往往有之蘇子記喜雨亭嘗曰貽公得不以名其書漢武得鼎以名其年叔孫勝狄以名其子今孟初氏以嘉義名堂其示不忘之意何如哉噫恩命之榮未易得也世人之能仗義疏財者几何人哉多見富室廩有余粟一鎰半銖較量不已或遇年谷不登第恨不能高其價直以爲肥己之計況望其出谷以資賑恤者乎若孟初者出谷濟人動以千數計誠可謂仗義之士矣其承綸綍褒嘉之榮宜也孟初裔出孝肅祖父相承篤於爲善又嘗捐金助建學宮有丈夫子六人將見繼繼繩繩行誼益篤厥施益溥食天之報軒昂仕路則於斯堂豈不愈有光耶遂爲記之正統八年歲在癸亥夏五月吉旦賜進士出身翰林院檢討儒林郎括蒼周貴書

重修義門記

正統間縣民包孟初者出稻谷二千三百石賑饑朝廷遣官齎敕嘉樹坊旌表門閭歲久垂圯厥孫邑弟子員時成時任耆民證敬者深懼聖恩祖德一旦泯迹議徙建于家廟前然猶未敢以擅舉也因捧敕收郡邑志文獻錄詣余以始事告余惟勒石樹坊古聖王勵世磨鈍之術實在有司令不在有司而在其賢子孫有司顧不樂其成也哉因支無礙官銀裨之以贊其決二子慨然曰猥祖一齊民耳重荷恩寵爲子孫者分當修葺以對耿光敢以齊民之祖而勤動官府爲哉義勿受歸而謀諸家衆各出資力越數月以成功告屬余爲之記竊謂利者人令所共趨也一免在野人爭逐之一錢委地人共拾之若孟初氏之仗義疏財厥子孫之不忘厥祖德背有見于義利之間者也其裨于治者不少吾爲有司者爲之記非過也因書以遺二子使壽之貞石時萬曆十二年歲次甲申正月吉旦賜進士出身文林郎知東陽縣事閩人肖源黃文炳書

思親堂記

豐熙

東陽防軍包氏婺巨族也有隱居子曰永升字世昭承祖父旌義之休厚自延納讀書通古今旁及史氏百家欣欣然將就仕路圖以自用于世促裝謁金陵以命訊日者輒以數奇報世昭素知命揆之衷覺其有見沐然驚翻然返轍顧諸子俱幼計以丰其殖未若培其根也遂卜地于本里之黃圩豫營后事已而內子陳暨長嗣瓏相繼淪沒越歲余也昭亦捐賓客去遺孤廷廉甫瑛廷潤甫瑄皆垂髫黃口

營營子立諸父利其遺貲爭分育之二子已自不群兄弟更相依倚勉強自支門戶操心慮患智慧日啓而家日益饒裕以祖遺址并屬諸父創業于所居之坤隅其地金華北山故學士何文定公之別業厥祖受何氏世爲內外兄弟見難英發少年慨然以基卑之宗族長老喜其有爲更相贊助磚瓦木石不日而集堂構既成兄弟相對飲泣若有不能爲情之甚者裝置皋魚鳳木之悲也友人桂公錦二子所受業者也嘉其純孝遂書思親堂三字爲贈以余待罪史館贊聖天丁以孝治天下丐辱一言以爲之記余惟思者聖功之本也聖人之德何以加于孝乎惟爾二難堂成而思之及其親可謂孝矣然吾心之中有安宅焉自靈台而出通于義路達于禮門以廉耻爲垣墻以文章爲華藻居之則爲君子曠之則爲小人爲小人則貽父母惡名爲君子則貽父母美名惟曰思之惟事思之思之則知所以居之兄弟兄相尤夫妻無反目財無苟取利無苟趨鷄鳴而起孳孳爲善載錫父母之光用篤父母之慶雖不獲承歡膝下而父母亦含笑九泉矣若惟思其所樂思其所嗜思其笑語思其居處抑孝之一節耳奚足云思哉詩云明發不寐有懷二人我日斯邁而月斯征夙興夜寐無忝爾生所生桂公起再拜曰善請錄揭之堂中以爲記時弘治十三年歲次庚申季春吉旦經筵講官豐熙撰

包孝肅公詞跋

翰林侍講學士知制誥同修國史兼太子贊善大夫后學景濂宋濂撰右包孝肅公誥詞一通其孫宗禮所藏在以古錦裝滿成卷請濂爲之題識濂不敢讓因疏其事而歸之其云龍圖閣直學士朝散大

夫行尚書兵部員外郎知池州者宋制於庶官之外別加職名以勵行義文學之士出於一時恩旨非有必得之理所謂龍圖閣則大中祥符中建在會慶殿西以奉熙陵御書直學士則祥符四年置班在樞密直學士下至祥符六年始詔結銜於本官之上尚書兵部員外郎即系階序初不掌其部務乃元丰所改朝請郎若知池州則其職事也其階自兵部員外郎轉刑兵郎中者六部分二十四司其兵刑工三部非歷館職任轉運副使以上者不遷公嘗爲京東河北轉運故有此擢然兵部員外郎在前行刑部郎中在中行由前行員外而陟中行郎中此超遷之法也其云中書令中書侍郎刑部員外郎知制誥臣宣奉行者凡中書所出命令皆承制書旨以授門下省令宣之侍郎奉之舍人行之留其所得旨爲底而謂刑部員外郎知制誥者當時三省無定員故以他官掌之也其云翰林學士兼侍讀學士中書舍人判偉者中書舍人凡六員亦爲所遷官實不任職復置知制誥及直舍人院主行詞命與學士對掌內外制舍人有闕故以學士兼之偉當是楊偉時與歐陽修胡宿趙概楊察并爲學士也其云左右僕射不名者宋初命相必曰同中書門下平章事乃爲真拜而左右僕射皆爲空官相銜帶之亦以寓祿秩序位品而已時文彥博以吏部尚書同平章事富弼以尚書戶部侍郎同中書門下平章事其銜當帶之雖不名必知其爲二公也其云禮部員外郎知制誥權同判絳兵部員外郎知制誥權同判奎尚書司封員外郎充崇文院檢討判公著者絳乃韓絳奎乃吳奎二人者嘗以言事被黜奎知壽州絳知河陽府召還尚書未久公著乃呂氏著方居下僚后三十年始與文彥博共秉鈞軸而謂判與權同判則真領其職事者也其云

主事令史書令史者三省皆有之呼爲省吏唯尚書最多至於六十有四都事三主事六令史十有四書令史三十有五守當官六各分房分日而祇事也其云都事高允迪受付吏部者蓋門下吏上受之中書下付之尚書必歷三省而后備所以誥命聊著三省位銜也其云至和三年八月日下者至和止二年而三年爲嘉祐元年今云然者三年九月庚寅命宰臣攝事於太廟辛卯恭謝天地於大慶殿大赦改元制下乃八月初所以尚稱三年也惟公居家孝友立朝剛正清風峻節百世師法有不待區區末學之所褒贊姑以舊聞疏之如右文質直而無潤飾庶使世之讀者感悉其諱焉公平生遷官凡二十有七此乃二十一次所授制中謂白云之司蓋黃帝時以秋官爲白云公遷刑曹故行詞者援其故事云

鮑

整雅鮑氏宗譜

鮑氏宗譜序

家之有譜猶國之有史也古有我鮑氏族姓氏論及周官小史職皆其法也我鮑氏始自上黨以仁公功封侍御史大夫漢時有諱宣公舉孝廉歷官諫議大夫拜司隸校尉曰永公歷官尚書左僕射司隸校尉曰昱公歷官鎮南大將軍司隸校尉繼繼承承代有賢顯自漢至唐蟬聯接踵至我孝恭公避黃巢之亂而遷浙焉浙之有鮑自公始也數傳曰輪公領監居台以星芒之變赴司陳剿滅之策用其計迨賊平奏成忠郎未几以覃恩轉忠訓郎長子曰宗盛公熙寧庚戌進士初授刑部主事轉陝西宣府總理糧草兵備元佑丙寅本司左參政紹聖甲戌至兵部侍郎歷官尚書右僕射奕葉相傳子姓蕃盛至宋恩賜鐵鍾祠廟子孫會拜集記自唐至我宋朝間遠近慕其名焉傳至我祖達公紹聖甲戌進士授文林郎伯父茂公紹興乙丑進士初授禮部主事紹興二十四年至太常寺卿父崧國子學生紹興甲戌進士初授湖廣蒲圻縣尹至隆興甲申升大理寺評事我兄璉淳熙甲辰進士翰林編修淳熙戊申轉侍講學士我祖種德后先迭出懼夫年代久遠譜或殘缺后之人將有忘其昭穆於是編成一帙余序其端竊惟譜者布也布其事於籍所以明世系辨昭穆也嗚呼

木之根固者枝必茂水之源深者流必長我祖宗積德之厚必獲子孫之昌特恐親盡服除遷居不一或途人視焉故余溯萬派以同源合衆枝而共本知皆出於一人之身歲時伏臘吉凶慶吊同堂合席恩意和藹可謂有族矣於是乎序時慶元三年歲次丁巳冬十月望日賜進士云南清吏司郎中升授廣西潯州郡守資政大夫裔孫碧謹識

像贊

偉哉鮑公忠勇莫京盡心報國捐身以□錫以侯爵青史垂名展觀遺像萬載同欽時建隆元年春月右丞相范質贊